

東
華
續
錄

東華續錄

臣周綸審恭校

乾隆七年壬戌春正月壬戌楊超曾丁憂調史貽直爲吏部尙書

任蘭枝爲兵部尙書以趙國麟爲禮部尙書

由兵部左侍郎遷

○甲子諭

向來旗員子弟隨任在外年至十八歲者例應來京若有欲留任所協辦家務者准督撫代爲題請聽候部議其新授外任之員子弟在京長養年過十八歲以上者非奉特旨不得隨任此舊例也朕思旗員子弟不許擅隨任所者一則恐在地方滋事一則留京以備該旗當差如外任旗員能嚴加約束爲督撫者又不時稽查則皆知守分循理可無慮其多事至該旗佐領若本有可以當差之人而父兄外任者將子弟帶往則本人既可省兩處之食用該

佐領閒散之人又得當差支領錢糧以資養贍洵爲兩便之道嗣後外任旗員子弟年至十八歲以上者在外仍令該督撫題請在內著呈明該都統查奏俱准其隨任其不願隨任者聽之若隨任之後或出署交遊及干預地方之事著該督撫卽行查參從重議處○庚午莊親王允祿等奏乾隆六年十二月二十日奉 上諭常朝樂章每月各以其律其呂爲宮 壇 廟朝會爾等俱經議奏其大略俟朕細加審詳另降諭旨至 皇太后升座還宮樂章應用何律何呂之處爾等未經議及理合考古準今求其至是擬議奏聞候朕酌定伏惟十二律呂皆生於黃鐘故黃鐘爲聲氣之元但黃鐘專用於 郊以尊 上帝自不便擬用且律協於乾呂協於坤坤元允宜用呂惟大呂爲黃鐘之呂恭擬 皇太后樂以大呂爲宮又按禮記曰天子日也后月也酉爲月之正位謹援禮

記之義恭擬 皇后樂以南呂爲宮又履親王允禩奏在館諸臣
所謂 皇太后樂以大呂爲宮臣愚以爲大呂南呂並是陰呂有
所未便 皇上曾有凡慶賀大典 皇太后宮慶賀應用陽律之
旨敬惟 皇上萬壽聖節在八月如八月常朝自當用八月之呂
至於 萬壽慶賀大典似應仍用陽律查舊制一切大典俱以黃
鐘爲宮恭請仍循舊制 皇上冬至元旦 萬壽三大節並以黃
鐘爲宮 皇太后 皇后三大節亦仍循舊制並以黃鐘爲宮得
旨萬壽節履親王所議是餘著畫一定議具奏又奏乾隆六年十
二月二十一日奉 上諭冬至以黃鐘爲宮倍夷則爲羽之說甚
合至 社稷壇與 方澤同之處 方澤用蕤賓之呂爲林鐘尙
可朕意 社稷究不可同或亦同 文廟春秋分用夾鐘南呂之
處一併再議又 帝王廟春用夾鐘亦妥秋祭以九月或用無射

或仍用南呂之處再議查古制祀天曰郊祭地曰社社之文與郊對猶地之文與天對也凡經文舉地而后土者卽不別言祭社舉祭社者卽不別言祭地元周禮大宗伯大司樂典瑞戴記月令郊特牲禮運中庸篇並可證據至漢匡衡始建議別爲北郊遂析社與方澤之祭爲二後世因之而社稷降爲中祀矣臣等前議謂社亦地也宜用林鐘仰蒙 聖訓謂與祭地宜有分別伏思 社稷典禮旣不與 方澤齊等樂章自應不同於地 聖訓周詳尤宜遵改查 社稷壇祭以春秋二仲月之上戊宜以來鍾南呂爲宮至 歷代帝王廟大清會典開載並以二月八月致祭然每年多有前三九月者咨查禮部太常寺欽天監乃據選擇通書稱係清明霜降前擇吉致祭蓋二八月祀典甚多次第舉行此則排至末後但未居清明霜降仍用夾鍾南呂似未便以時日在三九月而

卽用姑洗無射也仍請照前議亦以夾鐘南呂爲宮得旨依議○
辛未諭考定樂章訂正律呂欲以垂之永久非止用之一時也爾
等因萬壽節樂章兩議請旨朕思黃鐘爲聲氣之元同於穆之運
帝王誕生昊天有成命萬壽節以黃鐘爲宮俾人君聞樂儆心思
保明於夙夜義甚深遠不必因朕誕辰在八月而以南呂爲宮已
降旨准履親王所議行朕又思朝會之樂旋相爲宮是以萬壽節
不妨仍用黃鐘若云朝廷大典必當用黃鐘則編鐘之內必有不
用之鐘反墮於啞鐘之銷矣且此鐘律非朝廷之上孰敢用之似
不必拘於黃鐘之說也爾等又議稱 皇太后樂應用大呂夫大
呂者卽黃鐘之呂也朕萬壽節用黃鐘律而 皇太后萬壽節用
黃鐘之呂似猶未安况以律呂相生次第言之一黃鐘二林鐘三
太簇四南呂今旣遵古三統之說以其序爲尊卑用黃鐘尊上

帝用林鐘尊 后土用太簇尊 宗廟而議 皇太后樂用大呂

大呂之序在南呂之後爾等既議皇后樂用南呂是皇后樂先於

皇太后也尤爲未協禮記帝日后月之義固不易之經 皇太

后母后也此古今之通稱似亦宜用南呂爲宮朕意如此爾等悉

心詳議畫一具奏○癸酉莊親王允祿等奏遵旨傳集禮部和聲

署內務府掌儀司各樂工在城隍廟演丹陛樂其鼓節旣與樂章

不符合並與明代樂章亦不相符且兩處多寡不等實係相沿譌

謬亟宜改正臣等酌議嗣後應用七言四句排班趨進立定之節

候爲第一句完奏以節鼓下三句每一跪三叩頭起立之節候各

完一句奏以節鼓九叩禮畢恰完四句至 皇上於 皇太后前

行禮不便與臣下詞同應爲五言四句其節奏如前得旨所奏五

言四句近於詩句樂章仍以長短句爲是準其字數與相彷彿可

也餘依議○吳拜以母老請留京侍養補授內閣學士以兆惠爲

盛京刑部侍郎

由內閣學士遷

○戊寅以那克素二十九部豫備準噶爾

使人進藏牲畜免今年錢糧○丙戌彗星見○戊子諭莊親王允

祿等前奏周禮六樂以律之次第分神之尊卑顧律呂同用而清

濁之間有同均者有不同均者見諸實用礙難施行等語朕偶閱

周禮其文曰奏黃鐘歌大呂以祀天神奏太簇歌應鐘以祭地示

奏姑洗歌南呂以祀四望奏蕤賓歌林鐘以祭山川奏夷則歌仲

呂以享先妣奏無射歌夾鐘以享先祖禮從其宜用制固不可強

同於今但六樂相配亦非無其義因思黃鐘子也大呂丑也子與

丑合故奏黃鐘則歌大呂太簇寅也應鐘亥也寅與亥合故奏太

簇則歌應鐘推而至於無射夾鐘莫不皆然蓋月之斗建與日之

躔度相配合之位也唐賈公彥疏所云奏據出聲而言其實歌奏

與律實相配合之位也唐賈公彥疏所云奏據出聲而言其實歌奏

通也此語則似有譌夫清濁同均者而不可用豈有清濁不同均者而可合用之理蓋旣云奏則但奏其樂而不歌旣云歌則始作樂以合人聲耳奏與歌自必各爲一事惟奏以黃鐘爲宮者歌時則以大呂爲宮之樂配之奏以太簇爲宮者歌時則以應鐘爲宮之樂配之如此則無所謂礙難施行者矣朕亦不固執此語以爲便是但與爾等奏詞稍有不同可再詳閱查奏○莊親王允祿等奏臣等議得 皇太后樂 皇后樂立宮應以何律何呂之處

皇上所降諭旨用禮記帝日后月之義以南呂爲宮南呂位在第一四旣不至與 郊 廟有並尊之嫌又與朝廷之樂旋相爲宮者先後次第兩無妨礙最爲妥協若隨 皇帝樂一例立宮於義亦通但在宮在廷無所分別旣不若以內外有別爲長且無以彰旋相爲宮惟 帝始可隆禮備物之義謹遵原降諭旨以南呂爲宮

得旨依議○己丑諭大學士等六部纂修則例次第進呈朕皆逐一詳覽其中或有更正或有刪除俱照新定之書遵行夫舊例有未協之處理應變通者自應酌量刪改但從前舊本各衙門仍當存貯以備稽查且數年之後或又有更易之例亦可將舊例參訂此亦愛禮存羊之意也可將此傳諭各部知之再如見今吏部進呈則例內擬刪官員考較律例一條云內外官員各有本任承辦事件律例款項繁多難槩責以通曉嗣後將官員通曉律例咨明註冊之例刪去止留吏攢通曉律例一條朕思律例有關政治卽以司官而論若謂各部律例未能盡行通曉則可若於本部本司律例茫然不知辦理事件徒委之書吏之手有是理乎此條著仍舊例不應刪去○庚寅御史沈廷芳奏崇文門內智化寺明英宗爲逆閹王振立祠李賢撰碑稱其豐功大節諛闖亂道觀者髮指

乞敕有司毀像仆碑並將英宗諭祭碑移瘞他所得旨如所請行
○山西布政使吳龍應以湖北按察使任內廢事侵帑革職○是
月直隸總督高斌奏原任江南河庫道張師載吏才未見優裕而
端正清勤不愧張伯行之子見已服滿可否量才名用得旨知道
了有旨諭部

二月壬辰 上啓鑾謁 秦陵○實授劉於義直隸布政使○癸

巳吏部議准直隸總督高斌奏熱河一帶旗民雜處設有理事同
知與承德州分管地廣事歧瞻顧展轉多至盜賊傷變甚或廳祖
旗人州偏民戶請裁知州改設滿缺理事通判移駐喀喇河屯地
方治西南同知移駐州署治東北以灤河爲界均歸熱河道轄從
之○甲午調嚴瑞龍爲山西布政使以安圖爲湖北布政使
原署廣西
○乙未 上謁 秦陵回鑾○丁酉吏部議准僉都御史彭啓

豐奏近日學政與督撫相見不遵會典儀注幾同屬官甚至詣拜門生督撫觀風取錄與州縣前列童生輒不論文之佳否暗記坐號拔錄結歡以致孤寒屈抑士怨沸騰查學政與督撫儀注平行奏得專達毋容貶損且文章一日短長尤宜屏私採錄請飭學臣遵儀制勵丰裁不得自損名節並飭督撫不論學政是何出身但當以公正廉明相助不得以勢位相陵從之○戊戌 上幸南苑行圍○甲辰諭國家於科目取士之外又有拔貢一途所以收未盡之人材以廣備用之數也我朝教澤涵濡人文日盛又復屢開恩科加添中額是以所取進士濟濟多人而舉人則日積日眾竟有需次多年而不得一官者此亦事勢之必然無足怪者朕爲此時廑於懷屢籌疏通之策若又添取拔貢以分其缺數年一次舉行則人愈多而缺愈少舉人銓選更遙遙無期矣朕思拔貢乃係

生員中之優者夫既爲文學華瞻之青衿則應科舉時自能脫穎而出又不專藉選拔以爲呈身之路也查從前選拔或十數年一舉今則六年一舉爲期太近理應酌量變通嗣後著定爲十二年選拔一次永著爲例再者各省應試生員貢監由學臣錄送入場向例每舉人一名額取科舉三十名嗣後加至一百名亦不爲不多矣乃學臣等博寬大之名於科舉之外遺材大收一槩錄送且有督撫奸行其德普收送考者以致文理荒疏之人皆得濫冒入場試卷太多不但試官於倉卒之中難於別擇而浮薄之士將以觀光爲遊戲而不復攻苦於寒窗於寶興大典甚有關繫嗣後學臣各宜留心慎重辦理毋得濫濫永著爲例○丙午免甘肅承辦軍需州縣雍正六年至十三年民欠○諭江南廬鳳宿州淮徐等處上年遭值水災黎民乏食朕已屢降諭旨多方賑濟期蘇閭閻

之困近聞百姓餬口無資仍不免於流離艱苦蓋由該地方屢年
疊遭饑饉督撫等雖照例辦理但不能淪洽普周登之祗席當此
春耕之時黎民苟失其所秋成何望焉用是深爲軫念著刑部侍
郎周學健馳驛前往會同總督那蘇圖巡撫陳大受張楷實心體
察和衷籌畫務使朝廷德意得以下逮無致一夫失所至於此等
地方屢被水患必有致此之由不可忽視卽如陂塘溝洫之類亦
當加意講求使除其害以收其益著周學健會同該督撫一併悉
心妥議具奏○丁未 上御經筵○戊申以鄧鍾岳爲禮部右侍
郎由通政使遷○己酉禮部尙書趙國麟以病乞休不允○戊午調陳
高翔爲江蘇按察使由山西調○是月以旱免甘肅武威等六縣積年
民欠

三月庚申朔諭入春以來雖得微雪而雨澤未沛朕心甚爲憂慮

不知者視爲無關己事其知者以爲爲時尙早無煩慮念朕謂當此旱勢將成未成之際我君臣正當早作夜思力圖補救若旱已成災夫復何及近來九卿大臣朕實灼見其無作奸犯科之人亦未聞有作奸犯科之事然所謂公忠體國克盡大臣之職者則未可以易易數也不過早入衙署辦理彙案歸至家中閉戶不見一客以此爲安靜守分其自爲謀則得矣如國事何朕亦非因天時稍旱而以此責諸臣也凡朕所以責諸臣者皆朕早夜之所自責國家繼緒百年累洽重熙至於今日可謂承平無事然於無事之日而竟謂無可事事則將來必有事隨之懷安卽是危機狃治卽爲亂本盈虛消息之理不可不慎朕實不能一刻去諸懷也至於外而督撫內而九卿朕之股肱心膂也萬方億兆皆吾赤子其爲朕教養此赤子者朕非爾等是賴其將奚賴今爾等惟以循例辦

橐爲供職並無深謀遠慮爲國家根本之計安所謂大臣者歟如
僅循例辦橐已也則一老吏能之且其律例規條之熟爾等尚有
不知者豈朕之所望於諸臣耶從前公卿大臣因循成習 皇考
世宗憲皇帝飭綱陳紀肫切訓誡惟時在廷震動恪恭罔敢懈怠
朕承丕緒嘉與士大夫養以和平之福乃今而知執兩用中之難
非過卽不及爾等不爭自濯磨殫心體國則風會所流其因循苟
且之習不二三年將復如舊矣朕七年中宵旰孜孜於一切政事
似無大過舉然卽有過舉朕亦不能自知爾等身爲大臣若有所
見自當據實指陳試思朕七年中誰是以言得罪者孟子曰責難
於君謂之恭陳善閉邪謂之敬爾九卿中能責難於君者何人陳
善閉邪者何事卽有陳奏不過請改一規條更一律例是卽可爲
久安長治之大猷乎朕廣開言路而科道所奏亦不過撫拾瑣碎

無裨政體卽有一二人言可採取者要亦意在立名或期朕之見知以邀超擢此輩不必擢之公輔但得僉都御史副都御史等職便已緘默不言矣此皆爲身家之念重視國家之事輕故也朕幼讀詩書頗諳治理御極以來無日不思措天下於郅隆今起視天下太平果有象乎八旗生計固患不足然但思八旗富足所見亦小天下百姓與八旗何異俱當熟計而深籌之其所爲根本之計安在從來教養兼施而教卽寓於養之中今家給戶足尙且不能何云禮教豈此數員教官管轄秀才便可爲教乎况並不能管轄秀才之教官亦不少也目今生齒益眾民食愈艱使猝遇旱乾水溢其將何以爲計我君臣不及時籌畫又將何待歲月如流迄以無成乃曰俟諸後人不幾爲天下後世笑乎似此因循苟且之習不改竟與鄉原無異若聽爾等爲鄉原則朕亦一鄉原之三矣朕

實報焉爾等年齡大率多長於朕更事較深其互相儆惕悉意遠思務爲可久可大之圖不徒以循分供職爲事則庶幾古大臣之風而有當於持盈保泰之道矣○癸亥 上親耕藉田○丁卯諭朕自御極以來廣開言路虛心納諫其言之是者不次超擢未是者亦曲予優容科道官當體朕心於國家綱紀政事利弊官吏賢否民生休戚一一據實指陳方爲無忝厥職乃龜勉盡言者固不乏人而或者以訐爲直務自取爲名高而朝廷卒不獲其益者亦復不少此皆用匪其人官不稱職朕亦不能辭其咎也夫言官爲風紀所關若止爲身謀則將來或因以分門樹異或因以植黨營私必至惑人心而搖國是史冊所垂足爲殷鑒古者諫無專官故進言之路廣三代而下始設官而責之以言然如馬周陽城之起布衣而爲御史其事猶可風也茲特降諭旨著大學士九卿擇其

素所深知其人有骨鯁之氣質樸之風而復明通內外政治者不拘資格列名封奏朕將量加錄用焉其外而督撫於各屬員中有深知灼見可備繩糾之任者亦准列名封奏○己巳諭朕維惠養萬民之道以輕徭薄斂爲先自御極以來於蠲租減賦外豁除各省關稅不下百萬又令將稅課規條刊刻木榜徧行曉諭不許額外徵收宜其商民均沾惠澤行旅各安牧圉乃近聞各關過往商旅尙不能普被恩施怨聲噴噴究其由來皆因司權之家人胥役巧立名色重斂徵收勒捐需索弊端百出不飽其欲則逗遛不肯放行大爲行旅之害是國家徒有減稅損上之德而商民未受減稅益下之恩無知者尙嘵嘵於稅課之重所謂不揣其本而齊其末卽使再減數百萬額稅用是以往朕知其於商民仍屬無益也夫司權官員一任家人胥役肆橫無忌漫無覺察商旅其何以堪

朕思督撫有稽查通省之責凡屬地方利弊無一不富留心整剔而關稅弊竇若此朕在京尙有所聞督撫身在本省豈竟一無聞見乎總因視非己事故爾漠不關心耳嗣後著該督撫嚴行訪察遇有此等弊端立即嚴拏重究如司權官員瞻徇袒護亦卽據實奏聞不得視爲具文以奉旨之後一查卽可了事務期實力稽查俾商旅永無苦累儻朕再有所聞或被科道知有實據參奏朕惟該督撫是問○庚午命截留江西湖廣漕糧七萬石於江南備賑○王恕以廣東按察使任內改招解任以劉於義爲福建巡撫沈起元爲直隸布政使

由河南按察使遷

○壬申諭朝廷定有行取一途原

欲州縣內升使知部務部屬外用使知民情且此等人拔置言路亦能通達事體有所獻納近來因行取人員升補無期令其在任候升於單月補用主事究之缺少人多得用部屬者甚屬寥寥自

應酌量疏通其見在由行取在部之司官著堂官秉公保舉候朕分別簡用至於從前行取人員內大率拘謹守分之人多而通明幹濟之才少蓋由該督撫止照例將無參罰者咨送卽有揀選保舉者亦不過以該省次等州縣塞責甚非國家立法之本意嗣後各省督撫當行取之時務將有守有爲聲名卓越者舉出其有因公參罰者亦准其入選以收得人之效著該部詳悉妥議具奏○
癸酉免湖北兵欠○甲戌以儲龍光爲河南按察使由廣西舊悟道遷○
乙亥諭數月以來雨澤稀少朕宵旰靡甯虔誠祈禱雖得微雨未爲霑足從前因天時亢旱曾降旨清理刑獄今著刑部將在部各案內有牽連待質者及輕罪內情有可原者或應省釋或應末減會同都察院大理寺悉心詳查妥議具奏至於直隸山東河南三省目下雨暘不均亦著照此例行嗣後各省如遇災眚之年著該

督撫將清理刑獄之處奏聞請旨○丙子定勝水峪爲萬年吉

地○戊寅朱定元丁憂以晏斯盛爲山東巡撫

原任安徽布政使

○庚辰

大學士等奏革職侍郎方苞奉旨在三禮館效力贖罪分纂周禮已竣年老患病可否准其回籍調治得旨賞給翰林院侍講品級頂帶准其回籍○辛巳諭莊親王允祿今考定樂章以旋相爲宮之法用之郊廟朝會鉅典攸關其登歌下管各工必肄業有

素方免臨期舛誤此事非可猝就但及今亦當次第辦理太常寺樂舞生每月在神樂觀演樂雖有定例再當於春秋二季令赴掌儀司演習王悉心考察如有不協之處卽爲訓導俾律呂均諧用昭誠敬至禮部和聲署樂工皆民間屠沽之輩卽加教訓豈易通曉伊等在署當差徒誤其衣食生理朕意須令掌儀司人員承應方能妥協俟樂章既定之後將和聲署樂工作何裁汰並朝會日

期如何令掌儀司率領所屬人員承應之處王會同三泰詳悉定議具奏○諭各省常平倉穀每年存七糶三原爲出陳易新亦使青黃不接之時民間得以接濟當尋常無事之際自然循例辦理若遭值荒歉穀價昂貴小民難於謀食而仍復存七糶三則閭閻得穀幾何大非國家發粟平糶之本意矣嗣後凡遇歲歉米貴之年著該督撫卽飭地方官多出倉儲減價平糶務期有濟民食毋得拘泥成例○準噶爾台吉噶爾丹策零遣使臣吹納木喀等奏進表並貢方物請赴藏熬茶者由噶斯至京貿易者由歸化城往多巴西甯貿易者走噶斯之南乞勿限定年分至巡視科布多請如前降旨每年遣人前往奏入報聞○壬午諭覽夷使吹納木喀齎至噶爾丹策零奏章意甚狡詐朕斷不因言詞觸怒遽爾興兵亦不可不密爲準備著移知兩路軍營大臣令伊等加意防範其

奏內情形並詳悉寄知○甲申諭前據河南巡撫雅爾圖奏請學臣停帶眷屬以杜弊竇經九卿議准彼時朕降旨如學臣差滿之後復留原任或調別省欲攜帶家眷者著本人自行具奏請旨今思學臣之廉潔貪污視乎其人之自主初不在眷屬之有無如謂攜眷卽滋弊竇則外省自督撫藩臬以下又何嘗不攜眷屬耶卽使不准攜眷而隨任之家人幕客又豈能保其一一奉法惟謹耶况父母妻子相隔三年之久不免內顧之慮於情理亦未允協嗣後不必禁止○戊子 上詣 黑龍潭祈雨○兩江總督那蘇圖辦賑遺漏切責之○己丑申諭弭盜毋分疆界

夏四月庚寅朔準噶爾使臣吹納木喀等入覲諭爾台吉噶爾丹策零奏章朕已入覽令爾口奏之語朕之大臣亦悉以聞前噶爾丹策零以其父故屢懇赴藏熬茶朕廷臣議應勿許朕特施思念

其爲父諷經尊崇黃教本屬善事降旨允之復遣大臣官兵護送
助以牲畜口糧乃爾使齊默特等旣至東科爾惟以貿易爲事遷
延數月並不進藏遽欲還部朕之大臣屢諭不聽始以奏聞朕在
木蘭降旨此係噶爾丹策零奏懇之事若等何得擅還或其來時
噶爾丹策零本如此授意則嗣後復欲遣人進藏決不允行令朕
之大臣再三開示若等執意起程想此意定出自噶爾丹策零不
然雖彈丸小部落必無使臣不遵王命之理卽如爾等此來除噶
爾丹策零所屬外可任意增一詞乎汝至肅州卽返可乎旣乞往
藏半途而還更造爲種種不根之語欲變易成規非故滋事乎汝
謂奏疏中並無傲慢朕大臣等悉能通汝等語言汝豈能隱匿乎
朕爲天下共主已許爾息兵斷不因此遽復興兵汝等若有妄舉
亦聽之而已此次噶爾丹策零所奏與汝互異朕實不解諸事難

以定奪汝明記朕旨詳諭噶爾丹策零可也吹納木喀奏稱噶爾丹策零竭誠輸懇奏章所載乃中外言語不同之故實非傲慢至齊默特進藏熬茶據云以奉旨遣人巡視科布多爲守卡人攔阻半道空還噶爾丹策零疑惑不信謹令使臣等前來剖晰諭汝稱噶爾丹策零不信齊默特故來具奏今奏中何無此語進藏熬茶本噶爾丹策零最切要事當遣可信之人奈何委之齊默特伊等還時降旨甚明今汝等縱仍欲進藏亦應候朕再降旨允行然後得往豈容竟自主張但以道由噶斯爲詞乎噶斯豈汝等境內乎抑聞朕前諭難以再請姑以此含糊嘗試乎原議巡視科布多並無許入卡倫巡視之語去年爾人不言巡視科布多直入布延圖卡倫至喀勒占和碩卡倫朕之大臣始禁止之朕所遣略地之人有越阿爾台巡視爾卡倫以內之地者乎此事已明示蟒鼐矣爾

等豈不知之至來京貿易者不得由綏遠城亦與哈柳定議尙未經行一次遽欲更張可乎噶爾丹策零此次所奏言詞不倫左右枝梧殊非和好之道朕業已降旨息兵汝又稱實非傲慢之意朕亦不介懷如果誠心懇乞俟再遣使來此次姑毋庸議朕另有敕書付汝齎去吹納木喀又奏稱前齊默特還並不以 大皇帝諭旨告知噶爾丹策零是以眾心懷疑此來何敢妄奏進藏一事在噶爾丹策零最爲切要伏祈 恩允諭此事不得允行之故噶爾丹策零亦所明知况人數日期俱未議定朕卽欲加恩豈可令我護送官兵先勞守候乎天時近暑汝等可作速起程朕已諭我大臣爲汝等辦理矣○辛卯諭國家設關權稅定其則例詳其考覈凡以崇本抑末載諸會典著爲常經山來已久其米豆各項向因商人販賤鬻貴是以照則徵輸第思小民朝饔夕飧惟穀是賴非

他貨物可比關口徵納米稅雖每石所收無幾商人藉口額課勢必高擡價值是取之商者仍出之民也朕御極以來直省關稅屢次加恩減免又恐權吏額外浮收刊立科條多方訓飭每遇地方歉收天津臨清潁墅蕪湖等關口商販米船槩給票放行免其上課皆以爲民食計也但係特恩開一舉行未能普遍夫以養民之物而榷之稅轉以病民非朕已飢已溺之懷也今特降諭旨將直省各關口所有經過米豆應輸額稅悉行寬免永著爲例俾米穀流通民食充裕懋遷有無者不得藉以居奇小民升斗之給不至有食貴之虞以示朕惠恤黎元之至意至各關口徵收則例不一有徵商稅者有徵船料者有商稅船料並徵者今旣蠲免米稅其船料一項若不分晰明確著爲規條恐致溷淆滋弊應如何辦理之處著交該部詳查妥議具奏尋議查徵收船料之關向不收納

貨稅卽空船過關亦計船身丈尺納料今若槩將船料豁免恐船戶串通奸商將一船米糧分船裝載以致應納料之空船漏滑偷漏應令該關監督將向例徵收空船料銀者遇有裝載米船過關其應納料銀自照空船料銀之數納料如本屬空船及按年抽單納課者仍照舊例徵收但船隻料銀各關俱係收納何計石徵收之關獨不收納料稅或係料稅卽在計石徵收之內則例未經開載查各關空船既係徵料是船料自應一體輪納應令該關監督詳議報部臣部再行議奏再查寬免米糧等稅原以充裕民食管關官員不得借免米稅之名將所徵貨稅銀兩侵蝕肥己如有徵多報少情弊卽將該關員嚴加議處並令將免過米稅數目年滿報部查覈從之○增設直隸天津副都統○壬辰李鳳翥以老病休致以錢陳羣爲內閣學士

由詹事通

○癸巳諭獄必依平律律必

準乎情理之平刑部爲執法之官辦理案件固當執法而其情節不一又當參酌覈擬以期歸平允人命至重尤不可不慎也朕每於刑部所奏重犯其中稍有一縷可原者或降旨從寬末減或交九卿定議皆於法外原情以示矜恤但日理萬幾恐披覽之際一時或有未周照籤批發雖論法不枉而原情較疏矣嗣後刑部進呈本章及秋審各案著大學士等詳閱其中有應加覆覈者卽擬寫雙籤並將情節聲明進呈待朕酌量則周密慎重益可副朕哀矜庶獄之至意○諭今日引見月官內如王華賁王兆鰲俱已年老劉岐亦不勝繁劇之任朕已降旨分別改補此皆經九卿驗看之員也夫州縣爲親民之官若稍從姑息必致貽誤地方所關匪細向例月選吏部過堂後復令九卿驗看者原屬慎重吏治之意如其中行止不端等類或一時不能辨別而年老衰庸者原可一

望而知乃吏部九卿從未舉出是非不能知乃出於避嫌知而不
言耳蓋視驗看爲具文故示寬容俾得引見赴任即可了事所謂
權衡人材者在况庸員赴任之後督撫卽見其衰老不能辦事
亦須試看數月始行題參而於地方事務已貽誤不少矣且該員
甫經到任旋被參回籍往返道途資斧拮据於該員亦有何益嗣
後務須秉公詳加驗看有庸老不勝任者或應勒休或應改補教
職等官卽據實具奏不得仍前因循聊且塞責○甲午賜金甌等
三百二十九人進士及第出身有差○調德沛爲兩江總督那蘇
圖爲閩浙總督○乙未諭辦理耗羨一事乃當今之切務朕夙夜
思維總無善策是以昨日臨軒試士以此發問意諸生濟濟或有
剴切敷陳可備採擇見諸施行者乃諸貢士所對率皆敷衍成文
全無當於實事想伊等草茅新進未登仕籍於事務不能曉徹此

亦無怪其然今將此條策問發與九卿翰林科道閱看伊等服官有年非來自田間者可比可悉心籌畫各抒所見具摺陳奏候朕裁度若無所見亦不必勉強塞責至外省督撫寄重封疆諒已籌

算有素並著各據所見具摺奏聞務期毋隱毋諱以副朕集思廣

益之意是月庚寅朔策試天下貢士金性等制曰朕德弗類託於

釋褐觀光宜有以陳古之通變直指當世之切務是以詳延於

廷取以政要句以啓告朕匪維觀多士之所學亦以匡朕不逮思

益下民耳蓋君之於民其猶舟之於水耶舟不能離水而成其功

人主亦不能離民而成其治是以古聖賢王惻隱懷保惻然惟日

不足者非斯民之懷惠而已也實有見於君民一體之故今君與

民誠一體歟德之不修政之不宣賢才之不進民隱之不聞有一

於此其能成治道者未之或聞也將欲補四者之闕又何術之從

熈夫天下不必治也君明而臣良上令而下從天下雖亂識者知

其有治之幾焉天下不必亂也君庸而臣諂上令而下違天下雖

治識者知其有亂之幾焉其盈虛消息之機多士亦當籌之素而

欲有辰告乎務民之本莫要於輕徭薄賦重農積穀我國家從無

力役之征斯固無徭之可輕矣而賦猶有未盡合古者乎賦之外

有耗羨此固古之所無也抑亦古官有之不董之於官則雖有若

無而今不可考耶且康熙年間無耗羨雍正年間有耗羨無耗羨

更產賣菜

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

乾隆十五年

之時凡州縣蒞任其親戚僕從仰給於一官者不下數百人上司
之苛索京官之勅助又不在其限而一遇公事或強民以樂輸或
接畝而派捐業田之民受其累矣自雍正年間耗羨歸公所為諸
弊一切掃除而游民之借官吏以謀生者反無以餬其口農民散
處田間其富厚尚難於驟見而游民喧闐城市貧乏已立呈矣人
之言曰康熙年間有清官雍正年間無清官亦猶燕趙無縛非無
縛也夫人而能為縛也而議者猶營微耗羨為加賦而不知昔之
公項皆出於此而有餘今則日見其不足且動正帑矣是以徒被
加賦之名而公私交受其困而已矣將天下之事原不可以至清
乎抑為是言者率出於官吏欲復耗羨者之口乎多士起自田間
其必不出此而於農民之果有無利弊必知之詳矣又如常平之
設偏天下而卒不聞百姓無鮮飽之嗟或者禾棲畝而給銀稼登
場而責穀是民未受其益先受其害矣將欲改弦易轍而天時不
可必其何恃以無恐耶凡此數者皆朕日夜躊躇而未得其要領
者多士其毋以朕為不足告而閱之隱之其尚○丙申禮部等部
以朕為可告而敷之陳之悉言其志毋有所諱○
議准御史陳大玠奏文武互試原欲簡拔全才乃自定例以來累
科獲傳者無幾而日久弊生恃有互試之例文場則夾帶傳遞代
做武場則換卷內簾但憑文取中外簾則稽察維艱徒滋科場之
弊未收兼備之材嗣後應將文武鄉會互試之處停止從之○丁

西命直隸發銀三萬兩往河南購麥備賑○己亥命廣西開鑄錢○庚子免江蘇阜甯等二縣河租○辛丑命各省水次地方秋收穀價互相咨報○壬寅諭八旗漢軍自從龍定鼎以來國家休養生息戶口日繁其出仕當差者原有俸祿錢糧足資養贍第閒散人多生計未免窘迫又因限於成例外任人員既不能置田另居而閒散之人外省卽有親友可依及手藝工作可以別出營生者皆爲定例所拘不得前往以致袖手坐食困守一隅深堪軫念朕思漢軍其初本係漢人有從龍入關者有定鼎後投誠入旗者亦有緣罪入旗與夫三藩戶下歸入者內務府王公包衣撥出者以及招募之礮手過繼之異姓並隨母因親等類先後歸旗情節不一其中有從龍人員子孫皆係舊有功勳歷世旣久無庸另議更張其餘各項人等或有廬墓產業在本籍者或有族黨姻屬在

他省者朕意欲稍爲變通以廣其謀生之路如有願改歸原籍者准其與該處民人一例編入保甲有不願改歸原籍而外省可以居住者不拘道里遠近准其前往入籍居住此內如有世職仍許其帶往一體承襲其有原籍並無倚賴外省亦難寄居不願出旗仍舊當差者聽之所有願改歸民籍與願移居外省者無論京外官兵閒散俱限一年內具呈本管官查奏如此屏當原爲漢軍人等生齒日多籌久遠安全計出自特恩後不爲例此朕格外施仁原情體恤之意並非逐伊等使之出旗爲民亦非國家糧餉有所不給可令八旗漢軍都統等詳悉曉諭仍詢問伊等有無情願之處具摺奏聞○癸卯禮部議准御史陳其凝奏請行令各省學政於按臨時密查各生素行舉優黜劣從之○甲辰賜准噶爾台吉噶爾丹策零敕書曰爾奏中謂前此興戎釁非由爾又謂使臣傳

鼎前來事非得已追論舊事爲此非分大言又謂奉大皇帝諭遣人巡視科布多爲守卡人攔阻遣使往藏熬茶留數月不遣半道空還定議至京貿易繞道力疲不能前進嗣後須取道噶斯伏祈睿鑒夫興戎起釁實由爾國前諭已明額爾德尼招大捷之後方行遣使我大國有何不得已而出此耶瀆理前說意果何爲豈又欲借端生事乎朕爲天下共主業已降旨息兵豈肯食言爾欲起釁朕亦不禁也定議巡視科布多有巡視卡倫以內之語乎爾人由布延圖直至喀勒占和碩卡倫朕始禁阻朕之人有過阿爾台至爾之卡倫內巡視者乎其事雖小然屢違定約豈合於和好之道朕允爾赴藏熬茶者亦鑒爾至誠故遣官護送豫備牲畜爾人至東科爾數月惟圖貿易不思進藏竟自還部誰爲阻止乎如欲阻止何如不允爾奏之爲愈也且齊默特欲還朕降旨詢問或來

時噶爾丹策零屬爾或出爾等之意儻出噶爾丹策零則彼亦一絕無信行之人嗣後豈容復請乎今卽復欲進藏亦必懇朕降旨始可遣行如何遽作前去之計惟以道出噶斯爲請况人數日期俱在未定豈有令朕之大臣官弁虛糜廩餼先勞守候之理乎以此問吹納木喀據稱噶爾丹策零實不知始末如此因不信齊默特語始令我等前來問明並輸誠意乞大皇帝施恩一切朕已明諭吹納木喀至貿易之事本與爾使哈柳定議並未遵行一次如何又欲更張請取道噶斯乎此次爾所陳奏不合事理念爾亦未深知將奏請之事暫行停止令吹納木喀傳諭於爾敕書亦令齎往隨敕賞各色段十端氍毹十件大段六端○乙巳諭各省辦理耗羨一事朕恐或有不便於民之處是以於廷對時入於策問之內乃諸生無所敷陳甚且有不知耗羨爲何事者又降旨詢問九

卿翰林科道並外省督撫等庶幾合眾論以求一是此朕集思廣益之意也諸臣如有所見卽當就事敷奏待朕採擇如無所見亦不必勉強塞責所降諭旨甚明乃近見諸臣奏對竟有於耗羨一事之外旁牽側引以狂瞽之見爲無稽之言所答並非所問卽說到耗羨亦究竟不知原委萬難見諸施行甚至潘乙震之請開捐路斯道之請鑄幣尤爲荒謬之極方今天下承平海宇甯謐無擾攘之干戈無繁興之土木上而府庫充實下而滿漢安堵並非財用不足亟須籌畫之時此人所共知者在我君臣惟當節制謹度未雨綢繆爲持盈保泰之計若侈言豫大豐亨而流於奢靡放縱固非安不忘危之道但如諸臣所奏沾沾以國用爲言竟似國用實有不足不得不從權計議者此風一開將見言利之徒接踵而起其爲害甚大豈止有妨政體而已不但諸臣不當揣摩及此陳

奏紛紜卽專司錢糧之臣惟應通計出入平準制用亦不當託言國計徒以綜覈爲盡職也數日來無知妄奏之輩原當加以處分因係降旨詢問導之使言故雖乖謬特從寬宥此番訓諭之後如再有節外生枝悖理傷道者必從重治罪以爲妄言者之戒○丙午莊親王允祿等奏查丹陛樂與中和韶樂音節不同因丹陛有章而不歌字句舊未詳審音律不相符合見改正撰擬進呈再查會典惟 太皇太后宮用中和韶樂 皇太后 皇后宮均用丹陛樂考諸掌儀司則自來升座還宮並用中和韶樂蓋昔年撰擬樂章之時以 皇太后 皇后不敢同於 太皇太后便以丹陛名之且樂章一式無別而考擊之法則又全不循章協韻今旣查明自應分別升座還宮爲中和韶樂行禮爲丹陛樂得旨是○癸丑截漕糧十萬石酌留臨清德州備用○調包括爲山東布政使

魏定國爲安徽布政使○鍾保以年老休致以盛安兼管刑部左

侍郎正藍旗滿洲都統○丙辰諭刑部尙書劉吳龍患病溘逝朕心深爲

軫惻著散秩大臣一員帶領侍衛十員往奠茶酒伊平日居官廉

謹家道清貧著發內帑銀五百兩爲喪事之用尋予祭葬諡清愷

○刑部等部會題德沛旺扎爾審擬盧焯等營私受賄一案盧焯

依不枉法贓律擬絞監候秋後處決呂守曾應照律擬絞已縊死

無庸議但伊身任監司婪贓逾貫仍著落嫡屬勒迫入官從之盧焯以不枉法贓限內全完

照例減等發往軍臺效力○丁巳以張照爲刑部尙書起趙宏恩

爲刑部侍郎革任工部尙書

五月己未朔日有食之○乙丑命發滿洲單戶一千名移駐拉林

阿勒楚喀屯田○丁卯免福建閩縣逋賦○調圖爾炳阿爲山東

按察使陳惠正爲陝西按察使○壬申御史胡定奏刑部侍郎趙

東華續錄
乾隆十五
二十

宏恩前因工部尙書任內勾通湖廣參革道許登瀛納賄敗露部議褫職今復用侍郎非所以儆官邪彰國紀請亟予罷斥得旨前刑部侍郎缺出一時未得其人因趙宏恩才尙可用從前被參之案乃收受舊屬餽遺尙非婪贓可比是以將伊補授今胡定奏稱納賄之人不應復用趙宏恩雖非婪贓究屬受賄胡定指名參奏亦屬可嘉趙宏恩著不必用其刑部侍郎員缺著該部另行開列請旨○癸酉大學士禮部議覆御史徐以升奏本朝禮制具備

雩祭尙未設有壇壝請於京城內擇地建雩壇仿古龍見而雩之禮每歲屆期致祭一次偶遇亢旱卽於此望告嶽瀆山川諸神以祈求雨澤其有久雨求霽之處請照祭法雩宗祭水旱之例於雩壇致禱若僧道諷經攷諸往制似可停止至直省府州縣亦應設雩壇等語查唐時雩祀於南郊後行雩禮於圓丘其制斟

酌盡善請倣唐制嗣後孟夏龍見擇日行 雩祭祀 昊天上帝

於 園丘以 列祖配享 四從壇從祀於下前期禮部奏請

皇上親詣行禮或遣親王行事孟夏後旱則祈 天神 地祇

太歲壇次祈於 社稷壇次祈於 太廟皆七日一祈不雨或小

雨不足從 各壇祈禱如初旱甚乃 大雩祀 昊天上帝於

園丘先經祈禱 太廟虔告 列祖此次不設 配位仍設 四

從壇於下雨足則報祀或已齋未祈而雨及所曾經祈禱者皆報

祀齋期祭品俱如常儀再查會典開載以嶽鎮海瀆山川之神爲

地祇等語是 地祇壇內已有四海不必同日另行望祭又考

古大雩用舞童二佾衣元衣各執羽翳歌雲漢之詩今讀 皇上

倣雲漢詩體製 雩祭樂章 聖念懇誠 宸章剴切亙古未有

應請宣付史館應用舞童十六人衣元衣爲八列各執羽翳終獻

樂止贊者贊舞童歌詩舞童八列按舞而歌歌畢乃望燎舞童令
掌儀司選聲音清亮者演習應用羽翳照周禮皇舞之式製辦其
舞衣舞羽交內務府成造餘儀與孟夏 常雩同再除 上帝

社稷 宗廟 太歲壇俱舊有樂章外惟 神祇壇向無樂章應

交律呂正義館撰擬至久雨祈晴前代皆無崇祭雩壇之禮請倣
春秋左傳伐鼓用牲於社及文獻通考崇祭國門之禮但伐鼓用
少牢崇祭於京師國門仍雨不止則伐鼓用牲祭於社無庸 各
壇祈禱其僧道建壇諷經實非古制應如所奏停止設壇仍令僧
錄司僧官道錄司道官遇齋戒致祭之日分派僧道於 顯佑宮
等五廟誦經祈禱禮部分派司官查看至各省州縣置耕藉田其
中皆設有壇亦令孟夏擇日行常雩禮或旱每七日致祭但不用
大雩禮亦不另設 雩壇若京師雨暘偶愆 皇上於大內祈

禱其專承祈禱之官 天神 地祇 社稷 太歲等壇各遣王

大臣一人 太廟 上帝遣親王一人在京陪祀各官一體齋戒

行禮 皇上如親詣 圓丘王以下皆陪祀得旨是依議 御製

雩祭樂章曰瞻彼朱鳥爰居實沈協紀辨律羽蟲徵音萬物芸

生有王有林有事 南郊陟降維欽瞻仰 昊天生物爲心章一維

國有本匪民伊何維民有天匪食則那螻蟪鳴矣平秋南譌我祀

敢後我樂維和鼙鼓淵淵童舞娑娑章二自古在昔春郊夏雩日惟

龍見田燭朝趨盛禮既陳 神留以愉雷師闐闐飛廉衙衙日時

雨暘利我新畬章三於穆穹宇在郊之南對越嚴恭 上帝是臨繭

粟量幣用將悃忱惓惓我躬肅肅我心六事自責仰彼桑林章四權

輿粒食實惟后稷百王承之永奠邦極惟予小子臨民無德敢懈

祈年潔衷翼翼命彼秩宗古禮是式章五古禮是式值茲吉辰玉磬

東作南來 卷之二十一 三

金鐘大羹維醇元衣八列舞羽繽紛既有上帝亦佑從神尙
鑒我衷錫我康年六惟天可感曰惟誠格惟農可稔曰惟力作特
天慢人弗刈弗穫尙勤農哉服田孔樂咨爾保介庠乃錢鍾七我
禮既畢我誠已將風馬電車旋駕九閭山川出雲爲霖澤滂雨公
及私興鋤利甿億萬斯年農夫之慶八○甲戌莊親王允祿等奏
會典開載天神從祀於園丘地祇從祀於方澤今既各
建一壇則天神應仍從園丘以黃鐘爲宮地祇應仍從
方澤以林鐘爲宮得旨是○辛巳諭甘肅地方遠在邊陲土瘠兵
貧非內地可比向來散給兵丁口糧俱係四本八折而倉貯不敷
之處又於四本之中多給折色是兵丁之得本色愈少矣每當米
價昂貴之時所領折色不敷糴米之用度日未免艱難朕心深爲
軫念用加特恩著將舊例每糧一石折銀一兩者增銀二錢定爲

一兩二錢之數料豆亦照此加增從乾隆七年秋季爲始永著爲例俾邊遠寒苦兵丁俯仰寬裕他省亦不得援例以請該部可卽傳諭陝甘督撫知之○乙酉免甘肅屯民逋賦

六月戊子朔大學士等議覆莊親王允祿等議奏樂部事宜一和聲署衙門應歸內務府兼屬禮部管轄至奉鑾等官另易嘉名於掌儀司人員內挑補仍請裁汰之官暫留一年俟新員熟習再令歸農一和聲署樂工見不足額必出身清白通曉音律者充選今鑾儀衛既有鼓手頭目並借充之校尉六十餘名均係內務府人員自應移隸內務府挑選學習其鼓手樂工諸名色改正以歸雅馴一和聲署旣以署名宜照大官署例裁去奉鑾等官更名爲滿漢署丞向有侍從等官仍照前不定員額不拘滿漢其鼓手樂工以所司樂器分別其名總名爲署吏凡供用官由此挑補升至丞

正而以侍從待詔爲加銜其內府人員凡已挑選中式及署正等官升員外者俱准出缺另補漢員例應止於本署升轉加銜食俸不得升出別衙門至所稱生員舉人進士出身之外省漢員由通曉音律爲本署官升至署正與光祿寺署正一體升轉一和聲署樂章沿襲明制仍用戲曲殊屬非體應令該館撰擬凡大祀中祀各典禮有導引之樂及春秋二季各小祀諸色筵宴進吻祭門等項例應作樂者卽令撰定樂章惟城隍廟賢良祠等祀不便設懸登歌並救護日月止伐鼓鳴金不宜作樂一春秋三九月赴掌儀司演樂一次永著爲例其演樂時派出總領樂部大臣考驗從之○己丑諭鄭世子樂書等書俱有舞譜本朝舞制並無記載應作何載於書內之處著傳諭莊親王張照知之尋莊親王等詳考各祭祀樂舞聲容儀節纂成舞譜奏准載於律呂正義後編垂爲定

制○壬辰命莊親王允祿尙書三泰張照管理樂部○癸巳以

御太和殿遇雨賞行禮隨從官三百三十五員正俸之半○乙未

修築甘肅甯夏鎮 大清唐漢三渠○以錢陳羣爲刑部右侍郎

由內閣學士遷○庚子修 南北郊齋宮○丙午修 日月壇具服殿○

戊申諭朕已降旨舉行 雩祭之禮大學士禮部等定議在於

園丘朕思明代旣建有崇雩壇國朝會典內亦載之而書云今不

舉今旣舉行 雩祭乃舍此壇而在 園丘恐生後人議論似應

在專壇行禮著大學士會同禮部酌古準今再行詳查典禮具奏

○辛亥諭朕臨御天下期於政簡刑清近來內外各衙門俱無久

而未結之案惟有甘肅一省從前屢次軍需前後約四十餘年凡

供億軍費大端俱已覈算奏銷完結其中部駁清查覈減各款尙

有未清楚者卽如甯夏則有康熙三十年至三十八年供應進剿

大兵及駐紮滿漢官兵喇嘛等案肅州一路則有康熙五十四年至雍正四年辦過大軍需各案又有康熙五十四年至雍正十三年供支出口人員馬駝鍋帳食物等案西甯一路則有康熙五十四年至雍正六年辦過軍需各案又有康熙五十四年至雍正十三年供支出口人員馬駝鍋帳食物等案又有雍正元年勦撫青海用過錢糧等案陝甘二提涼甯肅三鎮則有康熙五十四年至雍正元年拴養馬駝各案以上諸件事歷多年官經數易往返駁詰不但案牘紛繁地方滋擾且使已故之員累及子孫見任之員代人受罰朕心有所不忍用是大沛恩膏將康熙三十年至雍正六年以前未清之項悉予豁除免其究問著追至雍正六年以後之案爲時未遠尙易清查著總督尹繼善巡撫黃廷桂遴選賢良於一年限內秉公確查將其中應免不應免者一一分別造具清

冊該督撫具本保題到日朕再降諭旨該部可卽行文該督撫知之○癸丑定內廷丹陛樂章名曰雖平○大學士等遵旨議奏謹考禮記大雩帝鄭康成註曰雩祭謂爲壇南郊之旁雩五精之帝配以古帝也杜佑通典曰建巳月雩五方上帝其壇名曰雩祭是自漢而下以逮於隋雩壇皆祀五方帝而非祀昊天上帝也唐書禮儀志高宗武德初定令每歲孟夏之月祀昊天上帝於圓丘開元禮亦同宋史禮志凡孟春祈穀孟夏大雩皆於圓丘至神宗元豐四年更立雩壇於圓丘之旁未幾而廢明洪武以後雩祀無常儀至嘉靖十一年始建崇雩壇於圓丘壇外泰元門之東亦一舉行而罷今壇已久廢僅存基址查歷代雩壇規制地基旣狹壇墻亦卑其視圓丘大約減三分之二若祀昊天上帝則禮近於褻且查圓丘禮成上帝神牌敬藏於皇穹宇今崇雩壇

原無別殿可以安奉 神牌卽欲更建而外壇墻之內亦限於地實難措置嗣後舉行 雩祭似宜仍在 園丘不必更建雩壇從之○甲寅諭周禮太宰以九職任萬民一曰三農生九穀二曰園圃毓草木三曰虞衡作山澤之材四曰藪牧養蕃鳥獸其爲天下萬世籌瞻足之計者不獨以農事爲先務而兼修園圃虞衡藪牧之政故因地之利任圃以樹事任牧以畜事任衡以山事任虞以澤事使山林川澤邱陵之民得享山林川澤邱陵之利夫制田里教樹畜岐周之善政管敬仲亦云積於不涸之倉者務五穀也藏於不竭之府者養桑麻育六畜也如果園圃虞衡藪牧之職以次修舉於民生日用不無裨益國家承平日久生齒日繁凡資生養贍之源不可不爲急講夫小民趨利如鶩亦豈甘爲惰窳舉山林川澤天地自然之利委爲棄壤哉良以疏闢之初槩強旣羣起

而爭管業之後奸民又多方戕賊地方有司每視爲贅產細故不爲申理此所以甯荒其業耳督撫大吏身任地方所當因地制宜及時經理其已經開墾成產者加意保護或荒墟榛壤以及積水所匯有可疏闢者多方相度籌畫俾地無遺利民無餘力以成經久優裕之良法至於竭澤焚林並山澤樹畜一切侵盜等事應行禁飭申理之處轉飭地方官實力奉行該督撫不時稽察務令從容辦理以期實效毋致絲毫滋擾尤毋得日久因循以仰副朕惠養斯民之至意

東華續錄

乾隆十六

臣王先謙敬編

臣周瀚蕃恭校

秋七月戊午朔諭朕每臨大祀必躬必親今因時享聆太常寺
笙簫管籥之奏至不能分別宮商而以之作享郊社宗廟
何以交神明而達誠敬朕既命莊親王三泰張照爲總領樂部大
臣非止轄和聲署也太常寺樂尤宜加意整頓嗣後一應太常寺
樂部事務俱著管理又聞向來太常寺樂員俱係道士承充此亦
沿襲明代之舊夫二氏異學不宜用之朝廷今縱不能使爲二氏
者盡歸南畝被服儒風何迺用道士掌宮縣司燎瘞爲郊廟
大祀駿奔之選暇日則向民間祈禱誦經以餽其口成何典制豈
不貽笑後世耶太常寺樂員嗣後毋得仍習道教有不願改業者

削其籍聽爲道士可也朕詢問三秦知額設多至五六百人得無
冗濫著莊親王等詳查定議如果額數太多卽奏請芟汰與其多
而無用不如減少額數將錢糧歸併酌增精選實能任事之人令
其承應又諭太常寺朕因孟秋時享聞太常樂絃管迭淺聲字纔
盤因思爾衙門三六九在凝禧殿演習何以至是朕令童子習中
和韶樂丹陛樂甫二十餘日頗有倫理已不似爾太常樂部矣今
令兩部對作有耳共聞孰優孰劣然則所爲三六九演習者徒有
其名而無其實也卽爾衙門見在內廷學習新定樂章諸人今甫
五日卽已大不相同可知但恐不學斷無學而不成之理夫 郊
廟大祀交於神明豈容聽樂工任意吹彈不求音諧節正則我
君臣肅雝誠敬之謂何唐時樂工伊涼俗樂奏之堂上謂之坐部
伎其不堪爲坐部伎者退爲立部伎若立部伎又不堪則退爲雅

樂部供奉郊廟爲後世所譏笑今俗樂之奏猶有宮商而雅樂荒廢如此朕甚懼焉白居易云工師愚賤安足云太常三卿爾何人朕爲爾等誦之除既往不咎外嗣後務須督令勤習朕不能再爲爾等寬也莊親王三人總理樂部著加意整頓○甲子大學士鄂爾泰等議奏查繙譯鄉會試於雍正元年議定雍正二年鄉試三年會試後經禮部以會試人少具奏奉 旨六十名會試在案嗣於乾隆三年因繙譯鄉試已閱六科有百餘人議准參議馬璘條奏於乾隆四年開科會試取中二十二人因人數甚少未經殿試俱賜進士出身今年八月又屆會試之期禮部遵例題請奉 旨令臣等議奏臣等酌議除繙譯鄉試仍照舊例辦理外其繙譯會試殿試皆掄才大典自當按期舉行上科因人數無多未經殿試今不必拘定人數亦不必另定場期請嗣後繙譯會試卽於會試天

下貢士後於闈中另編字號一同考試分爲兩場頭場人眾不必入試二場點進試四書清文一篇孝經性理論清文一篇三場試繙譯一篇恭請 欽定題目試卷照例令各部院衙門筆帖式謄錄彙集封送照迴避卷例請旨另派大臣閱看擬定進呈恭候 欽定中式另出一榜至殿試日 欽頒繙譯題一道一同殿試卽

令滿讀卷官閱看進呈分定甲第二甲者附二甲後三甲者附三甲後填入金榜帶領引見恭候簡用從之○乙丑禮部尙書趙國麟復以久病乞休得旨趙國麟原係獲罪降調之員朕加恩復用侍郎彼時伊意以官止亞卿照常供職使眾人見其無悻悻求去之意而憐之及至用爲尙書卽託病請罷朕屢次慰留而伊仍復執奏至再至三儼然以禮進義退之大臣自處夫進退大臣之禮朕豈不知如遇當以禮待之大臣而年力衰邁卽卧理中書可也

或優詔加恩歸田頤養亦無不可然必其人足以當之豈所論於
趙國麟乎伊試反而自思外任巡撫內任大學士尙書何所樹立
何所建白而忽於末路託名進禮退義以自表其風節乎居心不
可問矣進退大臣之柄操之人主豈臣下所得用意於其閒朕恭
覽 世祖章皇帝實錄當時有大臣屢次求退降 旨革職者此
本朝之大經大法至若前代人臣之陋習拜疏卽行沽一己勇退
之名而忘君臣上下之義此豈可爲訓乎趙國麟著革職在咸安
宮效力行走○調任蘭枝爲禮部尙書陳惠華爲兵部尙書命大
學士徐本兼管戶部尙書事○丙寅以呂熾爲內閣學士由少詹事遷
○丁卯允張若震回籍養親以王恕爲浙江布政使○辛未修京
城溝洫○免福建閩海關麥稅○乙亥除湖北鍾祥等十八州縣
衛虛報地畝額賦○丙子准江西截留雲南解京銅斤開鑪鑄錢

○己卯大學士鄂爾泰等奏莊親王等議覆御史徐以升奏言鄉飲酒禮所以敬老尊賢會典載儀注未及詩樂請撰擬樂章以追古制固屬應行但鄉飲酒禮應歌鹿鳴魚麗等本詩章句今若行撰擬恐蹈宋淳化故轍如所謂鹿鳴呦呦命侶與儔關雎于飛于渚之湄者後人往往訾議請交與律呂正義館將儀禮所載鄉飲酒禮應歌之詩照見定樂章字譜之式纂輯俟樂章書成交順天府令諸生演習以襄大典再直省各學樂舞生皆有定額給與衣頂不許雜項人等冒充京師爲首善之地如果諸生中有嫻通雅樂供應文廟聲容合節者令該管官咨送學臣係附升增保增升廩係廩升貢至成均丁祭所用樂章已經撰定字譜請交國子監令諸生演習儻能者日多可用監生承應俟學習果有成效再議獎勵從之○吏部帶領九卿保舉國子監助教學正人員引見

得旨此內左通政龔學海所保之龔光海係伊胞兄龔學海人原
平常如何可比祁奚龔光海亦非祁午可比何得假內舉不避親
之名輒行保送此風斷不可長龔學海著交部察議尋照徇情例
降二級調用○癸未命高斌周學健往江南查辦災賑水利○以
史貽直署直隸總督○甲申申禁江南販米出洋

八月戊子大學士鄂爾泰等議奏律設大法輕重期協於至公罪
有殊科彼此不容以私貸是以梁吉盼乞代父命武帝雖行寬宥
而未聞著於令甲漢陳元於尹次當死兄初請代意欲活次應劭
駁之謂殺無罪之初活當死之次此謂求生非謂代死誠以按律
擬獄各從所犯斷決不得開代罪之端因私情而撓國憲也若夫
一家共犯罪坐尊長蓋尊長有督率之責父兄之教不先則子弟
之率不謹是以定爲罪首而卑幼免坐者法統於所尊罪不容以

並論也今據刑部奏稱徐天爵與伊子七十兒同造賭具應照不
論造意獨坐尊長之律坐以發遣爲奴復據七十兒之呈情願代
父受罪請將七十兒發遣徐天爵免罪等語查此案情節徐天爵
之母年逾七十僅有一子聞其造戍晝夜悲啼七十兒旣不忍傷
祖母之心復不忍伊父獨罹罪譴籲請身代伊父旣得免於遠戍
而祖母復得資其膳養情殊可原且徐天爵所犯並無侵損於人
似可准行但查康熙五十一年鑲藍旗人烏爾袞因伊父固爾哈
緣事革職照例枷責充發有祖母年九十歲別無侍養之人叩閭
請代充發俟祖母身故再議發遣奉 旨固爾哈免其枷責留養
伊母俟母故後照例發遣欽遵在案是旣准其留養以遂私情仍
又發遣以昭國憲仰見 聖祖仁皇帝仁至義盡情法兼伸今徐
天爵此案與烏爾袞情事相同或將七十兒發遣將徐天爵免罪

或將徐天爵暫停發遣交與該旗俟伊母故後送部發遣應候諭旨遵行至該部所請嗣後如有父子共犯罪按律應坐其父而子願代者酌其情罪輕重果無侵損於人將代罪情由奏明請旨臣等伏思一家同犯罪名父兄按律科罪子弟獨脫然法外稍有人心當必怵然難安况既無侵損於人願以身代父兄猶知孝弟之義應如所請如子弟身本無罪及有罪而有侵損於人者並不得援引爲例妄行瀆請則孝弟之情義伸而國家之憲章亦肅得旨這所議是依議徐天爵著照固爾哈之例暫停發遣○江南淮黃交漲命疆吏拯救災黎毋拘常例○命江南截留漕項銀十九萬兩備賑○己丑諭軍機大臣等據德沛陳大受奏稱今歲淮黃交漲七月初五日完顏偉差員密諭通判劉永鏞將昭關等壩開放洩水令其以異漲通報等語在督撫之意以爲下河州縣被水由

於放壩完顏偉檄令開放及通判詳報異漲漫決爲河臣之咎不知向來河工水大放壩河臣往往報稱漫溢或報稱衝決此係相沿之習今歲水漲異常開壩固有傷下游田禾若不開壩宣洩則不獨高家堰隄工可慮卽彼地城郭人民亦必受患此不得已之計未嘗不爲保全百姓起見况完顏偉亦曾將飭令開壩之處具摺奏聞雖未將以上情節明白奏出而朕知其意實係如此完顏偉之奏督撫未必知也然完顏偉本當將此處明白奏聞或密行知照該督撫亦無不可若以開壩一節咎之則非矣德沛見往揚州會同陳大受辦理賑務則河務乃完顏偉專責當令伊等和衷辦理而不可有所掣肘也可將朕旨傳諭知之○辛卯諭嗣後挑選秀女遇有 皇太后之姊妹親弟兄之女親姊妹之女記名著戶部奏聞撤去記名至妃嬪等姊妹親弟兄之女親姊妹之女有

記名者著內務府告知首領太監奏聞永著爲例○禮部議大學士鄂爾泰等奏古制天子親耕南郊以共桑盛后親蠶北郊以共祭服我皇上親耕藉田以示重農至意乾隆元年准工部侍郎圖理琛議改先蠶壇爲先蠶祠每歲季春巳日遣太常寺堂上官以少牢致祭所以經理農桑之道至爲周備今又命議親蠶典禮伏思躬桑親蠶歷代遵行但北郊蠶壇在安定門外故明嘉靖時以后妃出入道遠親莅未便且其地水源不通無浴蠶所遺址久廢考唐宋時后妃親蠶多在宮苑之中明代亦改建於西苑伏讀聖祖仁皇帝御製耕織圖序於豐澤園之北治田數畦環以溪水隴畔樹桑旁立蠶舍是有蠶之事聖祖仁皇帝親加講求今逢重熙累洽禮明樂備之時親蠶大典關繫農桑自應舉行以光典禮其應行相度蠶地建立蠶壇桑壇蠶宮從室之處請敕

交內務府會同工部等衙門辦理至親蠶典禮所有齋祀躬桑授蠶治繭等儀注及選擇蠶母蠶婦受桑布繅一切禮文事宜應交禮部詳議得旨奉 皇太后懿旨是依議尋議伏查唐開元享先蠶爲中祀我朝於季春巳日記 先蠶祠亦列中祀齋戒應照一切中祀致齋二日皇后親祀先蠶之禮周制后齋戒享先蠶躬桑以勸蠶事北周皇后以一少牢親祭先蠶西陵氏之神因以躬桑隋制皇后以一太牢制幣祭先蠶於壇上祭訖躬桑明會典亦載有皇后親祀先蠶儀注是累代皇后原有親祀先蠶之禮我 皇上御極之元年特命建立 先蠶祠每年季春巳日致祭今舉行皇后親蠶之禮臣等謹議交欽天監於季春月擇躬桑吉日

皇后親祀 先蠶應設 先蠶西陵氏神位於壇上太常寺先期奏聞致祭前二日 皇后於正殿致齋二日至期詣蠶壇以一太

牢親祀。先蠶西陵氏之神行三獻禮。妃嬪公主王妃以下

文武三品大臣命婦以上致齋陪祀祀畢。皇后詣桑壇位採桑

妃嬪二人王貝勒貝子公福晉夫人三人三品以上文武大

臣命婦四人從蠶採桑蠶事畢蠶母率蠶婦擇繭之圓潔者貯筐

獻。皇上獻。皇太后獻。皇后擇吉。皇后復詣蠶壇正殿親

臨織室蠶母率蠶婦全獻繭之所登者。皇后行繅三盆手禮遂

布於蠶婦之古者使繅而朱綠元黃之以供。郊廟黼黻之用

至蠶母蠶婦漢魏以前皆無其稱惟晉蠶西郊列侯妻六人爲蠶

母以授桑未載有蠶婦北齊授桑蠶母蠶母切之授世婦謹案祭

義卜世婦之古者使入蠶於蠶室考古制二十七世婦蠶宮亦建

二十七從室則蠶婦應卽爲世婦所云蠶母蓋取老成諳蠶事者

以爲世婦統領明嘉靖時令順天府報蠶母則取諸民間之嫗未

嘗拘定列侯之妻卽古制卜世婦之吉者二十七人入蠶於蠶室亦必平時曉習蠶事方膺茲選臣等酌議應交內務府查明包衣並行文八旗遴選熟諳蠶事並無事故者開列具奏 欽點蠶母六人使暫居繭館以督蠶事蠶婦二十七人居蠶宮二十七從室使治蠶事抑更有請者 皇后親蠶華祀倣照古制需女官一十二人曰尙儀曰尙宮曰典儀曰掌贊曰司賓曰司言曰司宮曰典製曰司贊曰典贊曰司祝曰女史行禮時執事此次初行典禮應於孟春月內務府先行奏選俾演習嫻熟又祭 先蠶樂章臣等據會典內所載填入儀注候 欽定樂章演用再查北齊蠶壇以內監置蠶宮令丞各一人經理蠶壇諸務明會典亦載有蠶宮令請倣其制置令丞各一人所有儀注雖經倣照古制定議但須因地制宜應俟蠶壇規模相度已定再行詳酌妥議具奏從之○主

辰諭朕愛養黎元特沛殊恩將關樞米豆等稅悉行蠲免以爲充裕民食之計但船料一項議論不一見發九卿會議尙未覆奏朕思此事並無難辦之處向徵船料者照例徵收向不徵船料者豈可因免米豆之稅而轉加徵船料著該部卽速行文各關知之○諭高斌周學健奏稱此番賑務水利需費浩繁請令情願急公人員倣照樂善好施之例出貲效力按其效力多寡酌予議敘分別錄用等語近年上下兩江水患頻仍朕心軫念多方籌畫如果有益於災黎帑金原所不計但照高斌等所奏此等人員若准其效力自必踴躍急公輻輳而至因此商賈流通貨物充裕於屢年饑饉之時可臻富庶之象地方民生似均有裨益此一時權宜之計也况京官自中行評博以下外官自同知通判以下於正途仕進之階尙未有礙事屬可行但此舉因江南屢被災荒非常年可比

他省亦不得援此瀆請然不定以年限恐日積月累從事者多與見在因時制宜之意轉有未合其應如何酌定條例並於何時停止之處該部一併定議速奏尋議京職自中行評博以下外職自同知通判以下按吏部品級考及戶部舊有糧運事例詳加參酌分別敘用但各省官生陸續來江尙需時日應請於本年十月起定限二年停止從之○莊親王允祿等奏會典所載藉田之樂有三祭先農壇一也親耕時歌三十六禾詞二也筵宴時奏雨暘時若五穀豐登家給人足三章三也先農壇樂章係順治年間之文臣等改定進呈已蒙改正發館至三十六禾詞雨暘時若等章係大學士蔣廷錫所撰臣等閱其文義古雅向以爲無可更定是以置之不議今因管理太常樂部方知樂與禮不相符有不得不改正者除三十六禾詞無庸議外查雨暘時若三章原爲筵宴

進酒進饌而設雍正二年以其文不雅馴令蔣廷錫撰擬乃蔣廷錫照古樂府體爲之實不能施於燕樂又自雍正二年起每年耕藉從未賜宴此樂本可不奏乃因齋宮升座諸臣慶賀賜茶及還宮並無樂章誤將此三章燕飲之詩奏中和韶樂而歌之臣等既經查出理合奏明請嗣後於齋宮升座時用中和韶樂一如朝賀之制至賜茶本無奏樂之理應行停止若有賜宴則燕樂必需卽停止歲多樂章不可不具請將雨暘時若等章照海宇昇平日之例另撰字數止須四分之一得旨是○甲午 上御經筵○諭今日舉行經筵典禮禮部據向例以天雨奏請改期朕思魏文侯將出獵而雨左右不欲行文侯曰吾已與虞人期矣豈可無一會期哉乃往身自罷之夫田獵之娛尙不以遇雨失期况經筵大典已經祭告自應舉行但執事諸臣例應在丹墀內排班行禮未免沾

溼著雨衣排列駕到卽入殿進講講畢卽奏禮成其階下行禮
殿內賜茶諸儀俱著停止嗣後凡遇雨俱照此例行○乙未諭江
南上下兩江淮徐鳳穎等所屬州縣疊被水災今年水勢更大朕
心時切憂勞多方籌畫期登斯民於衽席此等被災地方州縣官
最關緊要必忠誠惻怛實有與民休戚相關之意而其才具又能
展布設施者俾得久於其任始於地方有益若徒以才具見長而
無實心爲民之念雖致飾於外而於撫恤之義又何補乎著該督
撫留心察看如見在各員果能勝任令其加意經理以觀成效如
有不能勝任者或於通省屬員揀選補授或於命往江南人員內
揀選題補苟其得人卽令久於其地不必速升漢之賢能二千石
有賜級賜金而不屢遷者其道猶可法也如此則瘡痍可起元氣
可復庶慰朕痼癰在抱之意○丙申命廣東龍門協貯穀一萬石

備賑○丁酉設廣東崖州等七州縣黎人學十三所○戊戌免直隸江蘇安徽福建甘肅廣東等省雍正十三年逋賦並免江南浙江未完雍正十三年漕項○辛丑諭河南山東江西湖廣等省撫恤江南流民○壬寅 上奉 皇太后幸南苑 上行圍○乙巳奉 皇太后幸晾鷹臺閱團○戊申諭大臣侍衛等凡行走齊集處俱著清語○壬子命揀選候補府州縣等官往江南辦賑○丙辰除福建鹽課陋規

九月己未諭從來節烈之婦祀於其鄉所以旌善端化樹之風聲也刑以弼教其致死本婦之犯法無可貸是以乾隆五年福建秋審蕭充一案該撫擬以情實九卿改爲緩決朕曾降旨申飭蓋以節婦之死由於該犯之調戲若將該犯輕入緩決非所以重名教而端民俗也今正值九卿秋審之時其在蕭充以前定爲緩決之

案俱係九卿集議經朕覽閱降旨者此番毋庸改爲情實其在乾隆五年以後此等案件各省督撫多入於情實之列九卿執法自不得輕縱但強姦未成本婦因調戲而羞忿自盡者其中情形不一朕辦理句到之時自有權衡如果有一縱可原仍當免句既經一次免句之後下年即可改爲緩決如係停止句到之年入情實者下年不得卽改緩決將此傳諭九卿知之○命河臣速堵古溝壩石林口決口濬裴家場等河○庚申諭軍機大臣等朕聞今年湖河爲患皆由淮水下流不能迅趨入海洪澤湖天然二壩及高郵之南關五里車邏等壩永閉不開水無宣洩之所又毛城鋪分減黃水十三口雖束而爲三而各未斷流洪澤湖不能容納以致汎濫衝決此次水災雖係完顏偉承辦實由鄂爾泰與高斌從前辦理未協以致水潦頻仍今復差高斌前往恐伊迴護前非於事

無益京師議論皆然卽江南士民亦有俟高斌到彼呈控之語朕思河務重大若非諳練之人卽目覩情形亦未能深悉况僅得之傳聞乎至於該處人民居上游者則利於疏洩居下游者則利於堵閉均屬一偏之見未悉河防全局其說尤未足憑况此次湖河異漲非比尋常未可執一而論惟是水以海爲歸必順其就下之性斯上游不致泛溢亦事理之常在高斌自必悉心籌畫以拯救地方爲重不致固執成見朕既有所聞可密寄信前去或此番大水之後湖河形勢不同固當因時度勢慎重區畫抑或從前措置本屬未盡合宜尤當及時變通力爲補救斷不可迴護前非務須通盤計算悉合機宜俾湖水安瀾黃流順軌上游之鳳潁泗等屬無湖水倒漾之虞下游之高寶興鹽均免田廬淹沒之患庶克紓朕南顧之憂並令伊等將見在情形及應如何辦理之處據實速

行奏聞尋高斌奏臣查今年湖河爲患之處一係古溝漫工一係石林水口蓋古溝不漫高郵之三滾壩原可不開下河地方自不受洪湖之水患但古溝之漫實由於洪湖之異漲而洪湖之異漲實由於淮河上游雨澇過多暴水驟至迴與尋常盛漲不同是以高堰水誌長至一丈五尺六寸山盱三滾壩過水至七尺之多其時清口大閘勢若建瓴直注外河山安海防暢行入海若古溝不漫再守旬日漲水自消並非入海不能迅趨與宣洩無所之所致其毛城鋪減壩過水無多較之洪湖異漲之水不啻千百之一二分洩適合機宜並非該壩洩水過多以致洪湖不能容納至古溝漫工之爲害較之常年開放天然壩之害實屬相符天然壩之必應永閉不開以免下河淹沒之患毫無疑義至若石林口之水患則係今年八月內河工疏於防範所致原非平時經理未善查下

江被災州縣計二十有九皆係夏秋雨澇爲災惟下河興鹽等處復受古溝漫水之患至上江鳳潁泗被災之處計十九州縣亦因天雨過多山水大發所致當六七月水發之時淮河上源諸水俱匯注洪湖以致洪湖異漲泗州卽在洪湖上口水勢直注入湖其最近之泗州猶順流直下並無倒漾之事其不能逆流遠至數百里之上爲害鳳潁尤顯然可見者也伏惟聖明深悉河防機要指授方略謂邵伯以下入江之路宜多開幾處特命臣等留心詳勘辦理臣等欽遵到揚州同督撫面商卽徧尋通江河路於灣頭之下董家溝之上查有石羊溝一處原有舊河形直達入江此處可以挑河修做滾壩四十丈又芒稻閘之下有董家油房白塔河孔家涵三處亦有河三道見俱通江因防私鹽偷越均有土壩堵塞今擬挑通河道口門處添建滾壩四十丈以應石羊滾壩並修

理運鹽河路鹽漕運行俱便而淮水入江更可暢達查古溝漫口及高郵各壩堵閉之後各處水落工平田疇涸出湖河形勢依然如舊善後事宜不過修補殘缺俾一律整齊堅固除淮水入江之路必應欽遵 聖訓辦理此外實無另行區畫變通之處其地方水利事宜講求溝洫之通塞亦並無有礙於河防之處容臣欽遵諭旨悉心籌畫詳勘定議奏聞得旨覽奏稍慰朕懷但知過能改聖人所難悠悠之論固不足憑而嘖嘖之言亦殊可念一切與周學健等和衷悉心妥議爲之至朕所指示不過據朕一時之見尤不可以爲必是而從之○鴻臚寺卿梅穀成奏正一真人張遇隆恭祝 萬壽據禮部文稱隨班行禮應列左都御史下侍郎前臣思真人乃道家之流祈禳驅邪時有小驗仍而不革可也假以禮貌可也乃竟入朝班儼然與七卿並列殊於觀瞻有礙應請敕部

定議不必令入班行得旨此奏是該部議奏尋議應如所請嗣後
真人承襲謝恩臣部帶領引見並遵三年來朝之例准其入覲照
例筵宴宴畢還山僊在京適值百官朝賀之期免其列班行禮從
之○辛酉調王丕烈爲河南按察使儲龍光爲福建按察使○王
戊命修江南清河縣惠濟大閘○甲子諭近日通本三法司命盜
案件甚多刑部進呈本章每止七件著交刑部作速辦理勿使積
累○丁卯 上啓鑒謁 東陵○庚午 上謁 昭西陵 孝陵

孝東陵

景陵回鑾

○命河南山東豫備

陵精四萬石改撥

江南備賑○壬申

上幸盤山

○諭軍機大臣等據高斌等奏稱

江蘇賑濟需費甚繁請將鄰省撥銀一百萬兩協濟其撥協之項
統俟樂善好施出貲備賑案內收有成效歸補還項等語從前高
斌等奏請樂善好施予以議敘朕降旨允行者以此例一開則富

民家有蓄積皆可出貲以濟貧乏且地方被災之後氣象未免蕭索一旦素封之人挾貲而往則商賈亦必會集易凋敝爲豐裕頗有裨益並非爲錢糧起見若以錢糧而論國家之正供原出於閭閻今地方被災應行賑恤以取之於民者用之於民是屬理之當然雖多何所吝惜高斌等尙未深悉朕意也至於見在撥用之帑銀以捐款補項亦應如此辦理者何必見之章奏今高斌等奏摺內諄諄以此爲言則所見甚小矣爾等可寄信與高斌周學健德沛陳大受共知之○乙亥 上幸髻髻山○丁丑尹繼善丁憂以馬爾泰署川陝總督○庚辰命借給江南被水營兵季餉○以紀山爲兵部右侍郎

由副都統遷

○壬午

上還宮

○古溝壩合龍

冬十月己丑

上幸西廠子行圍○以翁藻爲直隸按察使

由江南江

安糧道遷

○庚寅命江南截留癸亥年漕糧八十萬石仍撥山東漕糧

二十萬石河南倉米二十萬石運江南備賑○命撥河南浙江帑銀四十萬兩解江南河工○辛卯江南高郵邵伯各壩工竣○癸巳周學健高斌奏江南銅山等九州縣因九月湖河並漲續被水災請將次貧增賞十月一箇月口糧與極貧一體賑恤得旨昔汲黯非查災之使臣尙可便宜行事况親承朕命查災賑之大臣乎著照所請行○甲午命清理滯獄○乙未命撥山東沿河倉穀十萬石運江南備賑○壬寅以田懋爲吏部右侍郎○甲辰朝鮮國王李昉表謝國民越境犯法屢荷寬典上曰此朕柔遠之恩若恃有寬典犯法滋多非朕保全外藩之本意矣王其嚴加約束毋俾干紀○陝西巡撫岱奇卒予祭○以塞楞額爲陝西巡撫由直隸提督○以王玠爲四川布政使明德爲湖南按察使由山東提督○乙巳實授三和戶部左侍郎○丙午諭八旗閱兵該管大臣入隊督操

○庚戌賜賈廷詔等一百十人武進士及第出身有差○王子諭
朕覽給事中楊二酉條奏內稱滿洲用爲外任恐伊等於子民之
道多未講習一旦驅爲民牧有失閑檢頓懼參處殊爲可惜等語
夫天之生才原不因地而異從前滿洲之未用府縣者因人數
多僅足敷京員之用今教養已及百年人才數倍於前登用之途
因而壅滯夫內任外任莫非王事除授守令正可使通民情習吏
治也豈在京刑名錢糧之屬無一不辦而獨不可辦郡縣之事乎
且在外督撫司道皆可勝任而獨至郡縣乃不可乎今之狡黠者
又謂朕之此舉爲滿洲生計起見而滿洲中之卑陋者亦安於此
而不以爲恥此實不喻朕意之至矣今楊二酉稱以爲滿洲未諳
子民之道獨不思漢人中或係膏粱執袴徒事輕肥或學究單寒
專心時藝如農夫之菑畝耕穫商賈之懋遷有無以及催科弭盜

聽訟察奸講律令防書吏諸務頭緒紛繁情僞百出豈能一一通曉亦不過延請幕賓隨時學習而已朕每當月選引見進士舉貢等官其中衰老遲鈍者甚多朕不過擇其龍鍾顏懣全不省事者二三人或令休致或改教職此外各員因其需次多年未有過失不忍槩令廢棄姑且試用此等人豈能熟練政治勝民社之寄稱循良之選今所用之滿洲比之此等勝甚况居官者果能隨地留心卽仕爲學識見自日增長未有學養子而後嫁此非聖人之明訓哉且滿員之例其用爲道府者先由堂官保舉用爲州縣者皆係科甲出身而考試履歷時朕必閱其文理帶領引見時朕又看其人材再三詳審可用者用之不可用者仍復留京豈至銓選非人爲地方之累耶楊二酉又稱喀爾吉善參奏齊拉渾寶平一案雖營弁非親民之官然地方治體殊無二致欲培植之不可不求

所以成全之又稱督撫身任地方固不可滿漢歧視稍示姑容而於此等初任滿員必加意訓勉俾知鼓勵儻怙終不悛仍當登白簡以儆官邪等語楊二酉一人之奏前後自相矛盾蓋彼胸中先有歧視滿漢之見故持論不得其平若此如謂督撫庇護滿洲則喀爾吉善滿洲也而參劾滿屬員其不敢庇護亦已顯然如因滿洲有齊拉渾寶平之劣員而遂謂滿洲不可外任則累年以來漢人之以劣蹟被參者不知凡幾亦將謂漢人不可用乎朕君臨天下一本大公滿漢臣工視爲一體栽培傾覆悉視乎人之自取初無所容心於其閒卽見任之督撫亦未必有護庇滿洲者但歲月久長賢愚不等儻用出之滿洲有沾沾以生計爲念而簠簋不飭者朕必重治其罪該督撫若稍有瞻顧徇情之意卽非公忠體國之大臣朕一有見聞必加以嚴譴並將滿洲外用之例停止爲督

撫者諒不肯以己身之功名博他人之感悅並阻將來滿洲仕進之階是非愛之實以害之也楊二酉既有此奏或將來應用府州縣之員其中有不諳文義恐被幕友所欺者亦未可知著吏部於伊等未用之先每年考試一次朕派大臣檢閱分別優劣進呈御覽記名候缺其文理不通者不准外用如此庶於吏治人材均有裨益矣朕恐內外臣工不識朕意特行宣諭俾共知之楊二酉原奏並發○癸丑諭前據漕運總督顧琮具奏江南漕米耗贈宜免停支一案朕交大學士會同該部議奏旋據議稱停支之例相沿有年應仍照浙江之例辦理今顧琮摺奏浙江與江南情事種種不同江省此案始以軍興而議裁繼以欠糧而請復自復給之後已三十餘年見在全支尙多拮据若行裁減則丁力旣絀轉運維艱等語旗丁輓運辦公朕所軫念此漕耗一項旣有歷年支領之

成規著照舊給領永免停支俾丁力寬紓轉漕無誤他省亦不得援以爲例該部卽傳諭漕運總督等知之

十一月己未以潘思榘爲江西布政使李學裕爲廣東按察使

江由

道遷○辛酉莊親王允祿等奏太和殿

皇上升座所設中和韶

樂止有笙四簫二笛二殿廷高敞惟聞鐘鼓之聲查明會典所載樂器笙十六簫十二笛十二較多數倍雖損益隨宜不必舉前代之例但金革二音獨出眾樂之上餘並不揚應請笙用八簫用四笛用四庶幾克諧歌工二名亦似太少請增用四名並請宮內應用中和韶樂之處一體添設得旨依議○甲子諭疆吏遇鄰省水旱災毋過糴○乙丑大學士等議奏莊親王允祿等奏仰蒙聖鑒以丹陛大樂本朝雖有樂章而音節未經考定全不相符特命臣等酌改但查向來廷臣三跪九叩頭時並於贊叩之後廷臣首

俛而下則丹陛樂作九叩畢則樂止爲時太迫樂難終闕伏思禮
行樂奏自必趨進趨退協其珎璜之節申其肅敬之心庶禮與樂
相比附樂與禮相終始向例惟於叩頭時用樂實屬無義可尋請
於贊禮排班聲止之後樂作贊退之後廷臣趨至仗末之時樂止
樂凡五節以一節爲趨進三節爲三跪九叩頭一節爲趨退如進
表宣表禮儀則於第一節樂闕廷臣已跪之後進表宣表畢樂再
作如此則行禮遲速易於與樂相應應如所請豫令樂部演習卽
於今歲冬至舉行從之○大學士等議奏辦理耗羨一事曾奉諭
旨命九卿翰林科道及督撫等直抒所見陳奏今據陸續覆到俱
稱耗羨歸公法制盡善不可復行更張眾議僉同其間有一二異
議者皆係不揣事勢不量出入但執偏見斷難施行之論伏思耗
羨一項由來已久弊竇漸生世宗憲皇帝俯允臣工所請定火

耗歸公之例將州縣一切陋習皆爲革除惟將各該省舊存火耗提解司庫爲各官養廉及地方公事之用從此上官無勒索之弊州縣無科派之端小民無重耗之累蓋以天下之財爲天下之用於國家毫無所私法良意美可以久遠遵行弗庸輕改至總督高斌孫嘉淦等請耗羨通貯藩庫令督撫察覈仍復年終報部之例查各省動用存公銀款項繁多若未悉情形槩行飭駁勢必掣肘若竟聽其任意費用則侵濫之弊無從剔除惟送部查覈諸弊可釐應如所請行得旨錢糧之有耗羨蓋經國理民事勢之必不能已者未歸公以前耗羨無定制有司之賢者兢兢守法不敢踰閑不肖者視爲應得之項盡入私囊一遇公事或強民輸納或按畝捐派濫取橫收無所底止且州縣以上官員養廉無出於是收受屬員之規禮節禮以資日用而上官下屬之間時有交際州縣有

所藉口恣其貪婪上官瞻徇而不敢過問甚至以餽遺之多寡爲黜陟之等差吏治民生均受其弊我皇考俯允臣工之請定耗羨歸公之例就該省舊收火耗之數歸於藩司酌給大小官員養廉有餘則爲地方公事之用小民止各循其舊有之章有輕減無加益也而辦公有資捐派不行有司之賢者固無所用其矯廉而不肖者亦不能肆其貪取此愛養黎元整飭官方之至意並非爲國用計而爲此舉也且以本地之出產供本地之用度國家並無所取利於其間然通天下計之耗羨敷用之處不過二三省其餘不足之處仍撥正供以補之此則臣民未必盡知者此十數年中辦理耗羨之梗槩也朕御極以來頗有言其不便者朕思古人云琴瑟不調甚者則改而更張之此事若易變通何可固執是以留心體察並於今年廷試以此策問諸生乃諸生奏對不過敷衍成

文全無當於實事旋降旨詢問九卿翰林科道並各省督撫等今據諸臣回奏大抵皆以爲章程一定官民久已相安不宜復議更易眾論僉同其中偶有條陳一二事者不過旁枝末節無關於耗羨歸公之本務也朕再四思維耗羨在下則州縣所入既豐可以任意揮霍上司養廉無出可以收納餽遺至於假公以濟私上行而下效又不待言矣則向日朕所聞者未必不出於願耗羨之下以濟其私者之口傳曰作法於涼其弊猶貪作法於貪弊將若之何朕日以廉潔訓勉臣工今若輕更見行之例不且導之使貪重負我皇考惠民課吏之盛心乎此事當從眾議仍由舊章特頒諭旨俾中外臣民知之餘著照大學士等所議行○壬申大學士等奏南郊大典皇上前期詣齋宮請御涼步輦得旨是著該部議奏尋議奏禮莫重於郊祀儀莫盛於車旗皇上允大

學士等所請冬至前一日御涼步輦詣齋宮次日饗祀南郊動

台古禮謹遵旨酌定儀節本月二十五日饗儀衛使督所屬將兩

衛大駕全行依次陳設午門外奉輦官校進涼步輦至太和門階

下祇候不陪祀王以下各官俱朝服於午門外跪送本日巳刻太

常寺堂官恭請皇上乘禮輿出太和門降輿升輦變儀使奏請

發鑾駕警蹕午門鳴鐘十大臣前引而出駕發後侍衛隨從諸臣

照例於應乘馬處乘馬左右翊護近輦隨行至南郊由西天

門入至昭亨門降輦入黃幄次少憩前引十大臣對引官恭導

皇上由昭亨左門入至內壩引至圍丘視壇位原派

出分獻大臣分詣神庫視籩豆神廚視牲畢十大臣對引官仍導

引由御路出至升輦處升輦詣齋宮從祀各官蟒袍補服分翼排

列於齋宮門外迎接候皇上降輦升禮輿入齋宮是夜嚴更宿

衛警蹕環巡次日 大祀從祀太常寺堂官遵奉諭旨於日出前五刻請駕乘禮輿出齋宮門外升輦至鋪設樓薦處降輦前引十大臣贊引官對引官恭導 皇上入更衣幄次俟安奉 神位畢禮部太常寺堂官奉請 皇上具禮服出幄次前引十大臣贊引官對引官導引由 櫺星左門入詣 壇位前行禮祀禮畢出昭亨左門外升輦侍衛隨從擁護悉如來儀其不陪祀王以下各官俱朝服於午門外排班跪迎午門鳴鐘駕至太和門鑾儀使奏請降輦升禮輿入太和門還宮得旨是依議○癸酉諭朕御極以來廣開言路凡臣工條奏有當於事理者無不見諸施行其在可行可止之間者則發交部議外廷皆共知之至於陳奏錯誤乖舛必不可行者往往姑容留中未發或所言近是而尙須緩酌者或有陳奏之件出於淺識曲見朕明知其無益卽敕交該部亦必不

議行者或有勦襲規勉之陳言而不達事情無補政治者如此等類俱在留中之內此朕略陳奏之是非寓隱揚之深意正以導之使言惟恐伊等有所顧忌而甘於緘默也乃近日御史中有謂一切條奏皆不應留中者一人所奏如此眾人未必不存此見竟似朕不樂聞諫將應施行之事故爲中寢此則不知朕意之甚者也特頒此旨曉諭言路諸臣知之○實授帥念祖陝西布政使託庸廣東布政使唐綏祖廣西布政使蘇昌安徽按察使李錫泰廣西按察使○甲戌湖南巡撫許容參奏糧道謝濟世踰閑蕩檢負恩溺職各款得旨謝濟世係獲重罪之人蒙 皇考格外寬宥朕復加恩從成所召還仍授監察御史伊旋以母老請改就近州縣便於迎養朕復用爲湖南督糧道凡稍有人心者皆應感激奮勉倍加淬勵况謝濟世平日託名理學自附正類者乎今巡撫許容以

踰閑蕩檢負恩溺職題參朕覽全本見貪縱淫酗劣蹟種種謝濟
世若果如此則玷名教而敗官常莫此爲甚而不可留於天地閒
矣謝濟世著革職其本內各款及有名犯證著孫嘉淦前往湖南
會同許容嚴審定擬具奏○乙亥命陳世倌會同高斌查勘江南
水利○丁丑命撥江西倉穀八萬石於江南備賑○己卯諭禮部
奏稱冬至前一日視祝版常例御補服今恭遇皇太后聖誕係
穿吉服日期視祝版詣齋宮俱應御龍袍袞服等語朕思乘輦前
往齋宮鹵簿全設大禮所關自應御龍袍袞服嗣後若遇豫日應
詣齋宮齋宿之祭其視祝版詣齋宮俱應御龍袍袞服隨從人等
俱穿吉服永著爲例○庚辰諭朕明日祭天壇由齋宮乘禮轎
正外門乘輦回宮時祭祀已畢於昭亨門外豫備禮轎將此永
著爲例○以初定齋宮齋宿禮是日 上詣齋宮○辛巳冬至祀

天於一國丘禮成 上以齋宮一切整齊樂奏亦頗盡善加賞
執事人等有差○是月署直隸總督史貽直奏涿州境內旗民違
禁私開燒鍋已緝獲嚴懲得旨所奏俱悉燒鍋亦不能禁之使絕
亦惟去其太甚者耳涿州之謂也

十二月丁亥諭科道爲朝廷耳目之官關係最要朕前降旨令大
學士九卿督撫各舉所知以備選用乃公聽並觀博採眾論之意
今諸臣俱已奏到特將原摺發交吏部內侍郎周學健所保三人
皆係江西人夫三人之多別省豈無一二人選者而均係伊本鄉
此風斷不可開周學健著飭行所保三人不准考試引見至科道
職司言路必通古達今明曉政體方能隨事敷陳有所裨益所謂
明試以功必先敷奏以言也其在京各員著吏部傳齊擇日請旨
考試再候旨帶領引見其在籍人員行文調取來京考試引見外

任各員俟伊有公事到京吏部奏聞考試引見至於或宜內用或宜外用總於引見時量材器使若所舉之人既用之後有行止不端貪贓犯法者將原保大臣嚴加議處○命仲永檀會同周學健查賑○戊子仍准準噶爾夷人由多倫鄂羅木入藏熬茶○己丑免福建雍正十一年逋賦○壬辰上奉皇太后幸瀛臺○乙未命撥四川倉穀二十萬石分運江南湖北備賑○丙申諭我朝文臣無封公侯伯之例大學士張廷玉伯爵係格外加恩彼時伊奏請與伊子張若靄承襲之處不合今著帶於本身伊子張若靄不必承襲○諭仲永檀密奏留中之摺鄂容安如何問及仲永檀如何告知臣工密奏之事豈容如此宣洩仲永檀鄂容安俱革職交慎刑司著莊親王履親王和親王平郡王大學士張廷玉徐本尚書訥親來保哈達哈審明具奏○戊戌子故原任吏部尚

書楊超曾祭葬諡文敏○己亥諭安徽巡撫張楷年逾七十該省
見有辦賑之事恐其精力不能周到著來京候旨安徽巡撫員缺
著喀爾吉善調補卽速赴任○辛丑諭大學士等朕細閱鄂容安
仲永檀供詞伊等往來親密於未奏以前先行商謀既奏以後復
行照會二人俱已供出明係結黨營私糾參不睦之人爾等止擬
以洩漏機密事務之律不合著會同三法司另行嚴審定擬具奏
○壬寅允淩燕回籍養親調李如蘭爲江西按察使以姜順龍爲
四川按察使由福建延建邵道遷○癸卯諭王大臣等審訊仲永檀鄂容安
一案今日奏請刑訊仲永檀鄂容安並將大學士鄂爾泰革職拏
問此奏又屬錯誤此案前經王大臣會審時仲永檀鄂容安已將
平日往來親密並將具奏事件前後商量情節一一供出夫以仲
永檀如此不端之人而鄂爾泰於朕前屢奏其端正直率則其黨

庇之處已屬顯然久在朕洞悉之中若欲將伊革職擊問則已於前日降旨何待爾等今日之奏請蓋以鄂爾泰乃皇考遺留之大臣於政務尙爲諳練朕不忍以此事深究若以此事深究不但罪名重大鄂爾泰承受不起而國家少一能辦事之大臣爲可惜耳但其不能擇門生之賢否而奏薦不實不能訓伊子以謹飭而葛藤未斷之處朕亦不能爲之履寬也鄂爾泰著交部議處以示薄罰朕辦理此事皇考在天之靈自能洞鑒鄂爾泰嗣後當洗心滌慮痛改前愆以副朕恩儻仍前不檢鄂爾泰自思之朕從前能用汝今日能寬汝將來獨不能重治汝之罪乎至爾等奏請將仲永檀鄂容安加以刑訊伊等俱曾爲三品大臣又豈可似盜賊犯罪重加三木不過套夾一訊爲爾等斷案張本又何必多此一番奏請乎况此事情迹已明無庸刑訊仲永檀受朕深恩由御史

特授副都御史乃依附師門將密奏密參之事無不豫先商酌暗結黨援排擠不睦之人情罪甚屬重大鄂容安在內廷行走且係

大學士之子理應小心供職閉戶讀書乃向言官商量密奏之事

情罪亦無可道但較之仲永檀尙應末減爾等可定擬具奏

未及定擬○丙午以彭啓豐爲左副都御史由通政使遷○以萬國宣

爲浙江按察使由山東兗沂曹道遷○戊申盛京工部侍郎偉璉以不職休

致○辛亥調完顏偉爲河東河道總督白鍾山爲江南河道總督

○命嚴查臺灣汛口私載○乙卯諭江南水災地畝涸出耕種刻

不容緩疆吏其勸諭災民愛護牛隻給值餵養毋得以細事置之

○石林口合龍○是歲朝鮮來貢○會計天下民穀數各省通共

大小男婦一萬五千九百八十萬一千五百五十一名口各省通

共存倉米穀二千九百六十二萬六百五十二石二斗四升七合

零